

Flumina.

*Goritia*, iudicio Leandri, *Julium Carnicum* Antonino & Ptol. Alij de *Julio Carnico* aliter statuerunt. Amasaus lib de Venet. finib. *Goritiam* notat, ubi quondam *Noreia*: *Noritia* p. Candidus. *Goritia* suos habet Principes, qui Ducibus Austriæ parent. Opidum est opibus & nobilitate clarum. *Portus Gruarins*, Plin. *Portus Romanus*: *Spilimbergum*, natura loci opereque munitissimum: *Maranum* frequentia divitiisque clarum: *Mons Falconis* nobile divelque Opidum. Est & *Palma* Civitas & Arx rotunda a Venetis exstructa anno *MDCCCXCI*, cuius fundamentis substrati sunt nummi, cum hac inscriptione: Parte una, *Pascale Ciconia Duce Venetorum, an. Dom. MDCCCXCI*. Parte altera: *Fori Julij, Italiae Christianæ Fidei propugnaculum*. Reliqua minorum gentium Opida prætereo. Flumina ad hanc regionem pertinent, *Romaninum*, *Tilaventum*, *Santius*, *Frigidus*, *Natiso*, *Alsa*, *Turrus*, alia. Indigenæ ad humanitatis Artes, Mercaturam aliaque honesta studia aptissimi.

## Istria.

Regia.

Situs.

Soli qualitas.

Urbes.

**F**ORO Julij succedit *Istria*, Latinis Græcisque Scriptoribus satis nota: nomen hodie servans: Germanis *Hister-reich*, quasi *Istria Regnum*, dicta. *Iapydiam* quondam fuisse nuncupatam, indicat non obscure Pl. *Peninsula* formam refert: pleraque, inter duos sinus Tergestinum & Carnarium, Mari cineta Hadriatico: ab Septentrione Alpibus munita Carnicis & Noricis; ab Occasu anteaquam in Mare excurrere incipiat, Formionem habens amnem, Arsiam vero fl. ab Orru: Latitudo XL P. M. Ambitus, cxxii, ab Formione, quem dixi, ad Fanaticum usque promontorium, vel intimum, Carnarij sinus angulum extensa. Tota regio asperior est: collibus tamen potius, quam Montibus ornata: qui Vini, Olei, aliorumque Fructuum feraces: Frumenti ceterorumque Leguminum infœcundiores: exceptis Agris *Piscino* & *Humagio*. Mons ibi est, qui *Major* vulgo, benignus Herbarum Simplicium, quas avide extranei quæsitum huc properant Medici genitor. Salem *Istria* abunde præbet. Saxifodinæ ibi non inutiles. In Roviniensi agro Marmor ceditur, quod *Istricum* dicitur, maximi per Italiam precij. Porro *Istria* ex parte Venetorum est, ex parte Austriacorum. Specialiora videamus. Peroram incedenti occurrit statim *Iustinopolis*, Vrbs Chersonesi primaria, Sic doctis vocatur, quæ vulgo *Cabo d'Istria*, Nomen prius ab *Iustino* Imp. Posteriore deinceps nomine cœpit dici, quod Foro Iulio egressis in capite adituque Regionis occurrat. parvam occupat insulam, quæ pass. longa mille, latitudine modica: trino teli jactu divisa ab Continenti, cui jungitur pontibus, qui versatiles. Arcem habet in medio, quatuor munitam turribus. In *Venetorum* hodie est, ditione. Succedit in ora quinto fere lapide Castellum *Insula*: Continenti ponte lapideo nexum. Sequitur mox *Uranum*, Italici *Castellatum*, & postea *Castillerium*, vulgo *Casteller*. Quingentis hinc passibus ad *D. Simonem* devenitur: inde millia v *Piranum* abest: totidem hinc *Salvorium*: pari prope modum intervallo *Vinacum*. Ab *Vinaco* millia duo numerantur ad *D. Peregrinum*: hinc ad *D. Ioannem della Corne* pass. mille: totidemque dein ad *S. Laurentium* vulgo *di Daila*: mox ad alterum lapidem ipsa *Daila* & ad tertium *Civitas Nova*, olim *Amonia*, post *Quietum* fl. tria mill. sunt ad *Portum Cerverium*. Visitur quarto inde lapide *Parentium* civitas, hodie *Parento*. Sequitur mox Opidum *Orser*, Latinis *Urserum*. Superato *Lamo*, *Rovinium*: